



КОМСОМОЛОНЬ ВАЙГЯЛЬ

Сембе масторень пролетариятно, пуромода Марс!

ЛИСЕНДИ VIII-це КИЗОСЬ

ВЛКСМ-нь Мордовский
обкомть и Саранский
юркомть газетасна.

Адресь: г. Саранск, Советская ул.,
Дом печати, телефон № 0-90.

Я Н В А Р Т Ь
25-ЦЕ ШИСТОНЗА

1940 КИЗОНЯ

10 (1662) №

ЛИСЕНДИ КОВТИ 12-ксть.

В. В. КУЙБЫШЕВ

1935 кизоня январь 25-це шистонза Советский странась и коммунистический партиясь имафтозь эсь лучшая цюраснон эзда фкять—ВКП(б)-нь ЦК-ть Политбюронон членонц, СССР-нь Совнаркомть председателенц, Советский Контролень Комиссиять председателенц—Валериан Владимирович Куйбышевть.

В. В. Куйбышев кулось апаку учентт, боевой постсонза, пашксе вийда и энергияда, заняф оцю государственная деятельность. Аньнек колма кизода меле содавсь Куйбышевть загадочная куломань подлинная картина: сонь, кода содавсь, валом, инголе арьсеф злодейский планц коря, кулофтозь народть подлай врагонза, ломанень родонь изверкне—Ягода, Левин, Плетнев. Куйбышев ялгать шавозе троцкистско-бухаринский приступнай сяка жа банда, конач кулофтозень Киров, Менжинский, Горький ялгатнень.

Вракне создазь кинь лангс синь кепотыкшнесь кядьснон. Синь создазь, што Куйбышев советский государственная выдающийся деятель, железная большевикнень слава кагордснон эзда фкясь, конач воспитанная Ленинть и Сталинть мархта, ломань, конач эряфонц колмогемонь кизонзон макосонь рабочей классьтевонц, пролетарский революциятевонц инкса беззаветная служения. Синь создазь, што, сявомок минь рядонь—конь эзда Куйбышевть, синь каннихть партияти стака удар.

Капиталистический стройти Куйбышевть ненавистец ульсь афазовомшка оцю. Царский охранникне, кода пинет панцесть сонь мельганза. Валериан Владимирович эсь анкетанзон эзда фкаса сьормадсь: арестовандакшненьонок кафекокт (Омский, Томский, Петроградский, Самарский), ушedomок 1906 кизоста 1916 кизоти модемс. Колмокт улень судендаф. Улень никельссылка (Томский губерния Кайенкса, Нарымса, Иркутский губерния, Туруханский). Но мезендиге ашезь эвфев Куйбышевсь, царский сатрапонь кодамовок преследования ашезь сивде революционеронь гордай духонц.

Куйбышевть мекольдень пингонь ссылкастонза нолдазе февральский революциясь. Партиясь кучезе сонь Самарав. Тяс сон разоблачал эсерхнень и меньшевикнень контрреволюционной планцон, кемокшнень большевистский организациятень рядснон, торсь советский власть установления инкса. Мзярда Самараса власть йотась советтнень кядьс, то революционной комитетонь председателысь ульсь кочкаф Куйбышев. Тядя меле сась гражданский война перидос. Куйбышевть лемонц мархта сотфт белогвардейцнень каршес Якстерь армиять тюреманы сембе оцю победанза. Куйбышевть лемонц мархта сотфт Самарать араламац, Колчакта тапамац. Астрахань араламац, басмаческий бандатнень эзда Средний Азиять араламац.

Аделавсь гражданский война, тапафт интервенттнень и белогвардейцонь армиятне. Куйбышевсь—партийнай и советский инь от-

ветственный посттнень эса. 1921 кизоня сон назначандакшневи ВСНХ-нь Президиумти членкс (народная хозяйствань высший совет) и тяка пингоне вяти руководства электрический промышленностть работанц лангса.

1923 кизоста сявомок 1926 кизоти модемс Куйбышевсь ульсь ЦКК-нь председателысь (партиянь Центральной Контрольной комиссиясь) и Рабоче-Крестьянский инспекциянь Наркомкс. 1926 кизоста сявомок, Ф. Е. Дзержинскийть куломдонза меле В. В. Куйбышевсь ульсь назначендаф ВСНХ-нь председателысь, кога работась 1930 кизоть самс.

Отличандамок оцю работань способность, Куйбышевсь тщательнайста тонафнезе минь народная хозяйствань конь и кармасть крхкаста содама сонь разнообразная отраслянон.

В. В. Куйбышевть лемонц мархта пяк кемоста сотф СССР-са индустриализациянь Сталинский планть эряфс йотафтомац.

Партийная лама с'ездова и советонь лама с'ездова народно-хозяйственной плантнень колга, тяка лувксса васенце и омбоце сталинский пятилеткань грандиозная плантнень колга ульсь бессмертная докладчикокс. Ня докладтнень эса отчетливайста няевсь Куйбышевть крхка познаниянза, социалистический хозяйствать состоянианц и нужанц колга сонь поразительная осведомленност.

Куйбышевсь возглавлял Востокса Урало-Кузбасонь угольно-металлургический омбоце базать тиеманц колга сталинский директивать эряфс йотафтомац, сон стройсесь промышленная гигант—металлургический автомобильный, тракторный, тяжелой машиностроениянь гигант, сон направлял советский геолокнень работаснон, конат панжезь минь странань конь неисчерпаемая сырьевой ресурсонзон, сон кочкесь кадрат, сплавивал советский хозяйственникнень.

Куйбышев организаторский эсь оцю талантонц няфтезе челюскинечнень спасениясь знаменитый эпопея пингста. Тя операциясь вешсь исключительная четкость, стройность, действиянь эрыскадомань и тяка жа пингть спокойная уверенность согласованная действия. Сембе ня качественень сочетал эсь работасонза В. В. Куйбышевсь—и операциясь аделавсь оцю сатфкс мархта.

Партиять верная цюрац, Ленинть и Сталинть соратниксна, Куйбышевсь пощадафтома тапась изменникнень и предательхнень—троцкисттнень—бухаринецнень—зиновьевецнень. Сяс народть врагонза пяк ашезь кельгонде сонь.

Минь народоньке мзярдонга афюкстасы Куйбышевть светлая героический образонц—Ленинть и Сталинть ученикснон и соратникснон, пламенная большевикть, социалистический индустриянь талантливый организаторть и строитель светлой героический образонц. Сонь благородная эряфонц, конач марнек сон макосе трудящийся благодон инкса, кармай вечна служба коммунистический общества строя од поколениати образецокс.



Ленинонь и Сталинонь верный соратникснон, ВКП(б)-нь ЦК-ть Политбюронон членонц В. В. Куйбышевть кулома шистонза сявомок 5 кизотнень топодемасонды, конач 1935 к. январь 25 шистонза злодейски кулофтозе троцкистско-бухаринский банда.

Фото-клишес ТАСС-ть.

Украинский ССР-нь и Белорусский ССР-нь западная областтнень эзда СССР-нь Верховный Совету депутатонь кочкамань шить колга СССР-нь Верховный Советть Президиумонц Указон

1. Украинский ССР-нь Волынский, Дрогобычский, Львовский, Ровенский, Станиславский и Тернопольский областтнень эзда и Белорусский ССР-нь Барановичский, Белостокский, Брестский, Вилейский и Пинский областтнень эзда СССР-нь Верховный Совету депутатонь кочкамань шинди назначить 1940 кизонь мартть 24-це шинц.

2. Ня областтнень эзда СССР-нь Верховный Совету избирательная кампаниять ушedomанц азондомс 1940 кизонь январь 24-це шистонза сявомок.

СССР-нь Верховный Советть Президиумонц Председателец
М. КАЛИНИН.

СССР-нь Верховный Советть Президиумонц Секретарец
А. ГОРКИН.

Моску, Кремль, 1940 кизонь январь 20-це шистонза.

Ленинская шитнень пингста

Саранск ошень консервная комбинатонь рабочайхнень, служащиххнень и инженерно-технический персоналть йоткса январь 21-це шистонза 7 часттнень пингста илять ульсь йотафтф траурный собрания. Собраниясь ульсь тиф доклад „Кемготува кизот Ленинфтома—Ленинонь киге“. Траурный собранияда меле комбинатонь рабочайхненьда няфтьф „Ленин в 1918 году“ звуковой кино-картинась.

Тяфта жа организованная йотафтф ленинский шитне илады предприятиятнень эсовок.

Котонинная фабрикань рабочайхнень, служащиххнень и инженерно-технический персоналть

йоткса тяфта жа ульсь йотафтф траурный собрания, кося ульсь тиф Ленинть эряфонц и деятельностьтнень колга доклад.

Пенькокомбинатонь клубса организовандаф Ленинский уголок, кося кочкафт Ленинть эряфонц и революционной деятельностьтнень колга литература и фотографический карточкат. Комбинатса бригадатнень и цехнень эзда нолдафт стенной газетат, кося няфтьф ленинский шитнень анокламаты пингста инь цебарь, передовой ломаттнень работань показателсна.

Ф. Бикеев.

Марксистско-ленинский идеал — всепобеждающая война

Ленин — великий сын эсы, что сон воплотил эсь эзонза сембодя цебарь чертатень кода учитель, мыслитель, рабочей классть вождь, кода организатор од типонь партияти, кодамкс ащи минь большевиконь славной партианьке. Ленин — социалистический революционер гений, коммунист гений. Ленин — марксизм — величайший теоретик, шашфтозе инголи марксистский наука, козя кофто е сон од опыта, конац пуроптф пролетариатт классовой тюреманд од условянзон эса.

Ленин сьормалсь, што Марксонь учения всесильная сяс, мес сон верная, сяс, мес сон максималистически правильный ответ сембе кизефксенди, конатнень путнесыне человечество передовой мысля.

Маркс и Энгельс васенцетне лихтезь лангу общественной развития законзон, классовый тюремать причинанзон, рабочей классть роленц социалистический основать вельде человеческий общество одук тиесанза.

Ленин ульсь последовательный и верный ученик и продолжатель Марксонь и Энгельсонь учениясноды. Ленин ащесь новаторк и революционерк наука эса. Ленинон действительность тис целый эпоха наука эса, конац шашфтозе человечество ичкози инголи. Ленинон тевоцты великий продолжатель ащи Сталин ялгась.

Марксистско-ленинский идеал — война ащи сяс эса, што сяс отражает общество эрафонц материальной потребностей, народт интересон, тьождалгофнесазь общество развития и инголи молеманц. Марксистско-ленинский идеал тиесть сяс, мес сяс эривать общество, мес сяс организующий, мобилизующий и преобразующий вифтомост ашельхть кода разрешандам общественной развития коренной задачанза.

Передовой общественной идеал, конат сувайхть массатень йоткс, архисть величайший материальной вийкс. Сяс мобилизовандась народная массатень тюрема эксплуататорский клас снен каршес, конат кирнесазь общество инголи молеманц.

Маркс и Энгельс ульсь васенцетне, кие шарьхкодезе общество эрафса передовой идеалтень значениясно. Кода подлинная вождь пролетариатт и последовательная борет народт тевоц инкса, Маркс и Энгельс васенцетне кармасть рабочей движениа социализм мархта шовордамонза.

Ленин и Сталин, развивандам сядя тов марксизм од исторический условия — империализм, пролетарский революция и СССР-са социализм победоносной строянц эпоха, пуроптозь, касфтозь-кемокстазь большевиконь партияти — од типонь партияти, вооружили сон революционной теория, передовой общественной идея, конат одук тиендсазь эрафт социалистический началася.

Аныцк Ленинон — Сталинон партиасна мог мобилизовандам рабочей классть и сембе трудящийся социализм победанц инкса тюремат, сяс мес сон ащи рабочей классти передовой, организованной, марксистски образованной отрядк. Марксизм — ленинизм — идеал аращь могучий вийкс сяс, мес большевиконь партиас атак лоткск лездсь рабо-



Государственная Третьяковская галерея (Москва) панжес художественная выставка «Сталин и сталинский эпоха ломатне».

СНИМКА: Репродукция Шербаков художник картина сонза — Ленин и Сталин. «Правда» редакция сонза.

Фотос Г. Широков (ТАСС-ть фото-клише).

чай классти и сембе трудящихся — идеал — тонадомас-шарьхкодемаса, кепсезень сяс тюрема — идеал — эрафс йотафнемасон инкса.

Большевиконь партияти руководстван ала минь странаньконь рабочей классо йотась колма революция толон пачк и сатсь всемирно-исторический победат. Марксизм — ленинизм — идеал мархта руководствондамок, большевиконь партиас йордазе помещикнень и капиталистнень властиснон и ладязе пролетариатт диктатуранц, тис мирса васенце социалистический государства, конань цель — эрафса тиес коммунизм.

1918 кизонь мартт 8-це шистонза партияти VII съездонза программный кизефксень разработасон пингста Ленин корхтась: «...Социалистический преобразование ушedomо, минь должетта шарьхкодеви пуюмс эсь инголенц цель, конань шири, в конце концов, ладяфт на преобразование, именна коммунистический общество — тиема цель» (Ленин, XXII т., 347 стр.).

Ленин и Сталин вооружили партияти социалистический строительстван конкретный планца. Ленино-сталинский идеал страна индустриализация и велень хозяйстван коллективизация колга, конатнень эрафти лихтезь советский общество потребности, отвечать рабочиенень и крестьяннень кровной интересонды. И сяс большевиконь партияти удалась мобилизовандам трудящий массатень сяс эрафс йотафтомасонды.

СССР-са социализм победа — та марксистско-ленинский идеал — победася. Социализм победа обесечиндась минь странасонк нароттнень зажиточный, счастливый эраф. Странат индустриализация колга и мелкой, раздробленной крестьянкой хозяйстван преобразование кооперативный планон ленино-сталинский планфтома, эксплуататорнень каршес, народон врагонь троцкистско-бухаринский сворать каршес атак тюрьхть

минь странаньке афоль арав ба передовой индустриальной державк, крупной и технически вооруженной социалистической земледелия странак, военной ширде непобедимой странак, народной счастья и прогрессонь странак.

Нациятнень равноправияснон колга, мянь явомс и самостоятельный государства образовандам нациятнень самоопределения прават колга, сембе нациян трудящий массатень йоткса братский дружба колга ленино-сталинский идеалтень педа-пес йотафтозень эрафс минь странасонк большевиконь партиас. СССР-сь — рабочиен и крестьянон многонациональный социалистический государства, конань кодыма косонга аш вийс и кемошис коре.

Марксистско-ленинский идеал аф содайхть границат. Сяс мушндыхть почва везде, кося улихть трудонь ломатть, кося моли тюрема капиталт каршес. Ня идеалт машфтомс аш кода, кода аш кода меки шарфтомс человеческий общество историянц. Марксизм — ленинизм — идеал сядя и сядя пак сувихть капиталистический странатнень эса трудящий массатень йоткс. Братский коммунистический партиатне сувафнесазь ня идеалтнень трудящий массатень йоткс, конатнень эксплуатировандакшнесыне капиталс.

Минь партианьке, великий Сталинц тиендсазь семботь сяс инкса, штоба сембе ширде вооружить минь кадраньконь марксизм — ленинизма, вооружить минь странасонк и сембе мирса коммунизм победанц колга идея.

Минь сяскондеме, сяскондтма и кармата сяскондеме сяс, мес минь развиваемся Марксонь — Энгельсонь — Ленинон — Сталинон знамяснон ала. Тя знамя ала марк земной шарт народна пачкодихть мировой коммунизм торжестванцы.

Ф. Кошелев.

Отличная тонафнемат инкса

Сире Сомай велень неполный средняя школас социалистический соревнования вельде тонафнемань кизоть васенце полугодиянц аделазе оцю сатфкс мархта. Улихть класст, кося успеваемость и посещаемость 100 процентнай.

7-це класст, кося класнай руководитель Колгашкин ялгась, сатсь 100 процентнай успеваемость и посещаемость. Тя классон ученикнень йоткса ульсь класиста вишкотьф социалистический соревнования отличная и цебарь тонафнемат инкса. Лама ученик тя полугодия пингста получить аныцк отличной отметкат сембе дисциплинатнень коряс. Тяфта 7-це классон ученикне Чуркин Ваня, Кубасова Оля, Гулякин Коля, Поляков Коля и лиятне тонафнихть отличная. Сяс максес оцю лезкс отстающей ученикнень, конат тиянень пингть тонафнихть аф калдывста.

Мзярда аделавсь тонафнема кизоть васенце полугодия, Колгашкин ялгась йотафтсь эсь классонза собрания, кося ученикне сяс эсь лангост обязательств нинге сядя пак вишкотьф отличная тонафнемат инкса социалистический соревнования, васфтемс Рабоче-Крестьянский Якстерь Армият и Якстерь Военно-Морской Флотт годовщанц гядяти-родинат оборонной подаркань анокламаты мархта.

Н. Поляков.

Аноклайхть тундань видемати

Оцю анокламань работа вятви сембе ширде анокста сай большевистский тундат васфтеманц инкса Самодуровка велень Дзержинский лемса колхоза.

Плукне, конат эривихть виде мат пингста работаманди, ремонтировандафт. Тяни аноклавихть постромкат, ашт и иля сбруйхть. Алашатне ашихть цебарь условия. Комсомольский организация пуроптсь легкой кавалерия, кона проверкшнесы алашатнень мельге якамань состоянц.

Поляков.

Ковылкинский район.



1940 кизонь январь 22-це (9-це) шистонза топодсь 35 киза сяс шиста сывомок, мзярда оцзоронь войскатне вярботмос ваяфтозь Петербурга оружияфтома рабочей демонстрация.

СНИМКА: Памятник 1905 кизонь январь 9-це (22-це) шистон жертваненди Обуховса калмоланга, Ленинградт маласа (скульптурас искусстван заслуженный деятель М. Г. Манизерт). ТАСС-ть фото-клише.

„Кровавай воскресенья“ 35 кизонь топодама шиц

Колмогемонь вете киза явфне-самазь минь 1905 кизонь январь 9-це шинь событиязон эзда, конат арась ушетксоск васенце русский революция.

Оязоронь Россияса рабочайхнен и крестьянтнен эряфсна аф кирдемшка стакаль. Рабочайхне страдали пях вии эксплуатация и бесправия эзда. Крестьянствась куфдекшнесь помещикть и кулакть сталмоснон ала. Россиянь многочисленнай народностнен ваймосновок афоль таргсев кафтонь крда гнетть—национальнать и социал. найть ала.

Январский событиятненди канунок арась Бакунь рабочайхнен декабрьский стачкасн. Тя стачкада меле ульсь тиф Россияса васенце коллективный договорсь рабочайхнен и промышленникнен йоткса. Бакинецнен примерсна арась сигналк и лия ошень рабочайхненди.

1905 кизонь январь 3-це шистонза Петербурга Путиловский заводса ушедсь стачка. Стачки причинах ульсь заводста ниле рабочайхнен панемасна. Пях курукста путиловецненди шоворсь петербургский лия фабрикань и заводонь рабочайхне. Забастовкатне примсесь грозной характер. Революция эзда пелезь оязоронь правительствась решил нинге ушеткстонза подавить рабочайхнен движенияснон.

Нинге 1904 кизоня оязоронь охранкать агентонц Гапон попь лезксонц вельде ульсь тиф полицейский организация тяфтама лем ала: „Собрание русских фабрично-заводских рабочих“. Гапонть вельде полициянь департаментсь сотпекшнелхнен рабочайхнен йоткса политический настроениятнен.

„Душевной разговора“ рабочайхнен нуждаснон колга, танцованда вечера и лия туфталса Гапонць тяряфнесь аерфнемс пролетариятнен революционнай движениать эзда.

Петербургский стачкати пингста Гапонць марьгсь пуромомс Питеронь сембе рабочайхненди, модемс мирнай шествияса оязорти и максомс тейнза петиция (просьба) рабочайхнен нуждаснон колга. Шествиясь ульсь арьсеф тием неделяшиста январь 9-це шистонза (од стильть коряс январь 22-це шистонза). Многочисленнай собраниятнен эса, коса ванондовсь петициясь, большевикне марьгсь сувафтомс эзонза революционнай требования: печатень свободать колга, валонь, рабочай союзонь свободать колга, законть инголе сембонь равенстваснон, государствать эзда церкавть аерфтоманц, русско-японский войнать лоткафтоманц, 8 частонь рабочай шинь ладямать, крестьянтненди модать максоманц колга.

Рабочайн собраниятнен эса и рабочайхнен мархта корхнемста большевикне вообще исть марьгонде якамс оязорти петиция мархта, сяс мес тя бессмысленна, а эряви вооружиться, анокламс самодержавиять каршес боевой революционнай тюрематни.

Январь 8-це шистонза, „Кровавай воскресенья“ фкя шидя сядя инголи, РСДРП-нь Петербургский комитетсь нолдась специальнай обращения „Сембе петербургский рабочайхненди“. Тя обращения партиясь нинге и нингевесть корхтась рабочайхненди: „Рабочайхнен освобождениясна может улемс анычек эстейст рабочайхненди тевкс,—аф попнен эзда, аф оязорть эзда тинь свобода аф саттада“.

Но стихийнай движениясь, конань тиезе оязоронь агенттнен провокациясна, ашель ни кода лоткафтомс: рабочайхнен оцю пяхкссна эста верондась нингесянди, што „оязорсь лезды“.

„Минь, Петербург ошень рабочайхне, минь рвяньке, иденьке и беспомощнай сиретне—родителеньке, самейтть, государь, правдань и зачитань вешеме“—тяфта ушеткшнесь оязорти петициясь, конань мархта январь 9-це шистонза шоблава рана тусь Зимний дворецти мирнай шествиясь. 140 тьожань ломань моельсь Зимний дворецти, оязорти. Рабочайхне морафтсь молитват, кандсь крест, шкайхть, оязорть и оязоравать портретснон. Моельсь марнек семьянек, рываснон и идьснон мархта.

Оязорсь аноклась рабочайхненди вярй васьфтема. Инголкиге ульсь аноклаф план, кода подавить Петербургонь рабочай движениять. Штоба сядя тьожда улель пяхкодемс тя вярй планць, солдаттненди марьгсь, што рабочайхне йорайхть бта срафтомс Зимний дворецть и шавомс оязорть.

Невский ортатнен ваксса рабочайн колоннать васьфтезь кавалериясь и пехотась. Рабочайхне эсь сельмоснондынге исть веронда, тейст арам, што тя—недоразумения, эльбятксь, што солдаттне, может быть, ладяфт „порядкань ваном“.

Но вов цяподсь васенце залпсь, мельганза омбоцесь... Прасть шавф ломатть. Раненайхнен иваткшнемасна, ойкснемасна, итнен авардемасна—сембе шоворсь ужасонь, паникань и страшнай возмущениянь фкя увфс. А солдаттне сембе ляцендсь оружияфтопнен лангс.

Тьожаньда лама шавф, кафта тьожаньда лама ранендаф рабочай, работница, атя и идь—тяфтапт „Кровавай воскресенья“ итогонза.

Но ня жертватне стакисть йота. Ня ляцендематне панжесь ламонц рабочайхнен сельмоснон. Синь сядя цебарьста кармасть сознавать эсь классовай интереснон.

Гневонь оцю волна кеподсь сембе странать эзга. Сяка шить илятькиге Петербургонь улцятнен эса эвондась баррикадат. Аф петиция мархта, а оружия мархта, „Долой самодержавия!“ лозунг мархта петербургский пролетариатсь выступил паризмать каршес.

Большевикне возглавили рабочайхнен выступленияснон. Стачекникнен лувкссна 1905 кизонь январьста пачкодсь 440 тьожань. Рабочай движениясь кеподсь небывалай серес. Сембе Россиясь эзда ушедсь тиендевома оязорть злодействанц каршес протестонь забастовкат и политический демонстрацият.

Россияса ушедсь революциясь. Максеемок оценка январь 9-це шистонза событиятненди, В. И. Ленин сьормадсь:

„Правительствась нарощна пачфтезе пролетариатть восстаниятты, тафтемомс оружияфтопнен шавондомаснон сюнеда баррикадат, штоба подавить тя восстаниять вяронь моряса. Пролетариатсь кармай тонафнема правительствать ня военной уроконзонды. И пролетариатсь тонады гражданский войнаны искуствати, кли сон ушедозе ни революциять. Революциясь тя война. Тя—единственный законнай, правомернай, справедливый, действительнай великай война сембе войнатнен эзда, кодапт содай историясь“.

В. Иванов.

ВЛКСМ-нь Мордовский Обкомть комсомольский активонь совещаниястонза

1940 кизонь январь 23-це шистонза Саранский горсоветть заседаниянь залсонза ульсь йотафтф ВЛКСМ-нь Мордовский обкомть комсомольский активонь совещанияц. Совещаниянь участникне вишке аплодисмент ала почетнай президиуму кочказь ВКП(б)-нь ЦК-ть политбюроонц членонзон: Сталин, Андреев, Ворошилов, Жданов, Калинин, Каганович, Микоян, Молотов, Хрущев ялгатнен, почетнай президиуму тяфтажа кочкафт Димитров и Хозе-Диас ялгатневок.

Совещаниясь ульсь кулхцонфт и обсужденый ВЛКСМ-нь ЦК-ть X пленумонц итогонзон колга ВЛКСМ-нь Мордовский обкомть секретаренц—Мордовский АССР-нь Верховнай Советть депутатонц Толстых ялгать докладоц.

Активный участия совещаниять работасонза примасть Мордовиянь знатнай ломаненза: орденоносец преподавательхть, искусствань работник, заслуженнай артист, партийнай и комсомольский ответственной работник, писательхть, поэтт и газетнай работник. Сембоц прениясь выступали активонь совещаниясь 24 ломань.

Лучшай преподавательхне азондозь, кодама сатфкст сатфт учебно-воспитательнай работаса Мордовиянь передовой школатнен эса и кода синь нят сатфкснен сатозь. Совещаниясь яркай речь мархта выступил Торбеевский райононь Лопатина велеста НСШ-нь директорсь-орденоносец Журавлева ялась, кодац подробна азондозе школаса эсь работань опытонц и коданя тя школань комсомолецне, пионерхне и ученический

организациятне марса преподавательхнен мархта тюрхить отличнайста тонафнемать, дисциплинайт инкса, и кодане синь ладязь ученикнен йоткса внешкольной воспитательнай работать.

Выступающий ялгатне сембода пях эсь выступлениясост лотксесть школатнен эса аф сатыкснен колга и коданя синь эрявихть маластонь пингть машфтомс. Комсомольский организациятне, пионерский отрядтнен и ученический организациятнен отличнай тонафнемать инкса калдывста работамаснон колга тяфта жа совещаниясь ульсь лама корхтаф.

Выступлениятнен эзда няевсь, што улихть фактт, мзярда преподавательхненди кой-кона велетнен эса махаевский отношениясь нинге тя пингс атак машфтт. Комсомольский организациятнен, пионерский отрядтнен и ученический организациятнен калдыв работасон совещаниянь участникнен осудили и наметили соответствующай мероприятия, штоба ня организациятне эсь работаснон сядя тов коренным образом шарфтолезь лац тонафнемать инкса, и образовай дисциплинайт ладяманц инкса. тюрематни Штобаният организациятне школаса аральхть учительти подлиннай помощникоск.

Активонь совещаниясь оцю воодушевления мархта ульсь примаф од ломаттнен лучшай учительснонды и другснонды Великой Сталинтни приветственной сьорма.

ВЛКСМ-нь ЦК-ть X пленумонц итогонзон колга докладть коряс примаф соответствующай решения.

Вооружить комсомолецнен ВЛКСМ-нь ЦК-ть X пленумонц решениянзон мархта

Аф калдывста ладяф воспитательнай работась Посопский средней школаса. Тянь колга корхтай первичнай комсомольский организациять шидя-шис касомац. Тячийн шить комсомольский организациясь эсь рядсонза лувонды 126 член. Но сонь успехонза улельхть ба нинге сядя оцюфт, кда ба сон сядя лацкас занимадакшнел школьной эряфть мархта. Но к сожалению, тяса комсомольский организациясь шидя ащи школьной тевть эзда. А тя тевса школат лама аф сатыкстонза. Тонафнема кизонь васенце полугодияса общай успеваемость школаса 78,3 %. 601 тонафнит эзда отличникта анычек 17, а ударникта 78.

Эряви азомс, што комсомолецне синь калдывста тюрхить отличнайста тонафнемать инкса. Школаса анычек 5 комсомолецт тонафнитхть отлична и 33 комсомолецт тонафнемаца ударникт. Особенна калдывста тюрхить тонафнемать инкса 9 „Б“ класса, коса лувондови 12 комсомолец. Успеваемость тяса анычек 50 процентт. Школаса атак организовандак фкя-фкянди тонафнемаца цебарь опытонь максомась. Вдь школаса улихть ученикт, кода комсомолкась Володина Александра, кона тонафни сембе дисциплинатнен коряс анычек отлична. Тяфта жа тонафни 7-це „А“ класса учениксь Горь-

чев Владимирс: 10-це класса успеваемость пачфтьф 96,4 процентс, но нят опытни иля класснен эзга аф распространядондакшневихть.

Школаса улихть аф дисциплинированностень возмутительнай фактт, конатнен вакса тяфта жа йотни комсомольский комитетсь и сонь секретарец Богачев ялгась. Вов 7-це „Б“ класса ученикт Фомина Алексейть 4 калдыв отметканза. Аф пшкотькшнесыне учительхнен заданияснон. Калдыв сонь поведенияц, кода школаса, а ста не и улцясовок.

Тяфта жа 7-це „А“ класса учениксь Песков Евгенийсь не успевайт 7 предметонь коряс. Урокса пееткшнни, таргай, салазень тядянц ярмаконзон.

Цебарьста тонафнемать инкса соцсоревнованиясь школаса ладяф тяфта жа калдывста. Соцдоговорхне, конат кемокстафт класснен йоткса, проверякшневихть шуроста.

Комсомольский комитетти эряви систематически занимадондакшнемс школьной эряфть мархта, фалу тюремс школаса дисциплинайт кемокстаманц и успеваемость кеподеманц инкса. Ибо тя комсомольть фкя инь главнай задаца. Вооружить эрь комсомолецт, ВЛКСМ-нь ЦК-ть X пленумонц решениянзон мархта.

М. Сайгин.

Ушетф тевть пашкодемс педа-пес

Тимирязевский Сельскохозяйственной академиянь и Социалистический земледелиянь академиянь слушательхнен- комсомолкатнен СССР-нь и РСФСР-нь Верховнай Советтнен од депутатснон 100.000 трактористкань анокламань колга обращениясна мусь живой отклик советский од ломаттнен йоткса.

Мордовиянь од ломаттне, васьфтемок тя цебарь инициативать оцю ворушевлевенияса, кемоста кярмодсть стирнянь-трактористкань анокламань тевти.

ВЛКСМ-нь Дубенский райкомсь марса районнай земельнай отделть мархта цебарьста организовандазь колхознай стирнятнен йоткса работат производстваста атак тук трактористкакс тонафнемать. Тя са, организовандасть тракторть тонафнемаса курст, конатнен обещепчили тракторнай тевть коряс литератураса. Курснен эса тонафни 40 стирня, синь эздост 15-тне тонадозь отличнайста и цебарьста тракторть мархта управляндамань тевть и получить права тракторса работаманди.

Аф кальдывста моли производстваста атак тук стирнянь-трактористкань анокламань Мельцанский районца. Коса тяфта жа тя тевть коряс ВЛКСМ-нь райкомсь кирди кеме соткс райзоть мархта. Тя районца 26 стирнянь лувкста организовандафоль трактористкань курст, конатнен эзда 19-тне получать тракторса работаманди прават.

Лама стирнят, кода Семанова, Рябышева, Абаньянина, Кузякина, Гостишева и илят тонадозь тракторть мархта управляндамань тевть отличнайста, и оцю мялса большевистский сай тундаты лисихть социалистический паксав сложнай машинаса—тракторса работама.

Кочкуровский районца "Темп" совхозса 10 стирнят тяфта жа долучать трактористкань почетнай лем. Торбеевский районца аноклаф трактористкакс 11 стирня и аноклави нинге 34 стирня, конат тундаты самс получахть тракторса работаманди прават.

Но рякок ня оцю сатфкснен мархта производстваста атак тук стирнянь-трактористкань анокламаса ВЛКСМ-нь кой-кона райкопнен работаса улихть оцю аф саткст: трактористкань анокламань лувондсазь второстепеннай важностень тевкс, относятся тейнза пренебрежения мархта.

Тяфта ВЛКСМ-нь Игнатовский райкомть руководителенза, имафтомок тя важнай тевть пашкодеманикса ответственностснон, аф вятихть кодамовок руководства стирнянь-трактористкань анокламань тевть лангса. Районца тянийнь пингть аф аноклави трактористкакс фкявок стирня.

Тяфтама жа положенияса тя тевсь ащи Теньгушевский, Ширингушский райоттнен эса. Нинге сядонга кальдывста трактористкань анокламань мархта работась моли Рыбинский районца. ВЛКСМ-нь райкомсь сявондсь обязательства анокламс производстваста атак тук 100 стирня трактористкакс. Васенда занимадондакшнесть трактористкань анокламаса курснен эса 80 ломань, аф лама пингта меле—71, а тянийнь пингть занимадондайхть 44, и тянемс фкявок стирня трактористкакс атак аноклак.

Эрь ВЛКСМ-нь райкомть инголе ащи ответственной задача—пашкодемс эсь лангзост сывф обязательствать стирнянь-трактористкань анокламань.

М. Костин.

Эрь шиня занимадакшнемс учебно-воспитательнай тевть мархта

ВЛКСМ-нь ЦК-ть X пленумонц решениясонза. Начальной и средней школаса комсомолть работанц колга" азф: "Комсомолть кальдыв работанц сюнеда школаса улихть аф кржа фактт, мзярда школьники—комсомолецне аф аныцек аф служайхть цебарь примеркс илядыкс тонафнихненди, но синць ашихть неуспеваущайкс".

Пленумть решениясонза тя пунктсь марнек относится Саранск ошнен 9-це № Мордовский средний школати. Тя школаса комсомольский организациясь ащи 34 ломаньцта, синь эздост 26 учащай. Но кода жа тя комсомольский организациясь тюри школаса отличнайста и цебарьста тонафнемать инкса? Пяк кальдывста. Вете комсомолецт тонафнемаса иляды учащайхненди примеронь няфнемать вастс лувондовихть неуспеваущайкс. Улихть комсомолецт, кода Баракаевсь, Родиновсь, ветен кальдыв отметкасна. Колма комсомолецнен кафтонь кальдыв отметкасна.

Комсомольский организациясь эсь деятельностенцы главнай задаккс аф путнесы успеваемостть касфтоманц. Школаса успеваемостсь 72 процент, но улихть класст, кода успеваемостсь пях йомла. Тяфта эрзянский 6-це класса успеваемостсь аф кирдемшка йомла—47,6 процент.

Аш кода шнамс тонафнемань тевса эрзянский 5-це класст, кода успеваемостсь аныцек 61,2 процент. Тядонга йомла успеваемостсь тонафнема кизоть васенце полугодияста ветеце мокшень класса—60 процент.

Тяста няеви, што комсомольский организациясь и школат педагогический коллективоц пях кальдывста тюрст отличнайста и цебарьста тонафнемать инкса.

Тя тевса комсомольской организации и педагогический коллективти активнай помощникоск должен ащемс пионерский организациясь, а тя школань пионерский организациясь эсь тя почетнай и ответственной задачанц пашкоткшнесы аф сатомшкаста. Улихть пионерхт, конат синць тонафне-

мань тевса лувондовихть отстающей ученикокс, урокненди сашенткшнихть опоздания мархта. Нилеце классонь ученикс Якушев пионерсь кальдывста тонафнемада башка поздакшнесы урокненди. Тяка жа классонь ученикне Пичинов и Батарев пионерхне таргайхть, вятсазь эсь праснон аф дисциплинированнайста.

Мес жа тяфтама йомла успеваемостсь школаса. Тя кизефксти может улемс аныцек фкя ответ, што комсомольский организациясь нинге аф сатомшка интересовандакшн школаса учебно-воспитательнай тевть мархта, кодамовок соткс пятай аф кирди педагогический коллективть мархта. И сембодонга оцю аф сатыксоск комсомольский организациять деятельностьса ащи ся, што кальдывста нинге тюри школаса дисциплинаць кемокстаманц инкса. Улихть комсомолецт, конат учительхненди относятся хулигански, сялондыхть синь мархтост. Иникин комсомолецсь кепотьксонди, грубаяста обращается учительхнен мархта.

Комсомольский организациясь аф аныцек аф лезды пионерский организацияти сонь работанц цебарьгофтоманцы, но и шорай тейнза.

ВЛКСМ-нь комитетсь кемокснене учительницать Пешонова ялгать отряднай вожатайкс, но аф лама пингта меле ВЛКСМ-нь комитетсь сонь кемокстазе стенной газетань редакторкс, а отрядса тичимс аш вожатай. ВЛКСМ-нь ЦК-ть X пленумоц обязал комсомольский организациятнен, штоб а синь обеспечили пионерский организациятнен педагогически образованнай вожатайса, а 9-це № школаса комсомольский организациять секретарец Старкин ялгась арьси илякс.

Азф аф сатыксне комсомольский организациять работастонза эривихть машфтомс. Аныцек эста можна образцовайста ладям школаса учебно-воспитательнай работать, можна кемокстамс дисциплинаць, кеподемс учитель авторитетонц.

И. Белов.

Саранск оп.

Физкультурнай обществатнен работаснон колга

Тялонь спортивной сезонць эсь праванзонды сувасть ни пях кунара. Но "Медик", "Молния", "Пищевик" и "Восход" физкультурнай обществатне нинге работам ашесть кярмотькшне, синь бездействуют, а "Колос" и "Медик" обществатнен аш нльне руководителесновок.

Советский государствась спортивной тевти эрь кизоня ассигновандакшни аф кржа средстват, но кой-кона физкультурнай обществатне нолдаф средстватнен использовандакшнесазь йофси аф сатомшкаста. Тяфта, например, 1939 кизоня "Восход" обществась 70000 цалковайть эзда использовандась аныцек 30000 цалковай, а "Колос" и "Медик" обществатне ассигнованнай ярмакнен эзда нльне ашесть использованда фкявок трюшник. Спортивной тевти тяфтама безобразнай отношениатнен каршес эряви вятемс решительнай тюрема.

Азф физкультурнай обществатне лувондовихть общереспубли-

канскийкс, конат республикань райоттнен, колхознен эса физкультурай тевть развитианц инкса кандыхть полной ответственност. Синь эздост кажнайсь эрь районца должен кирдемс физкультурниконь кеме коллектив. Но тевса лисенди мекланкт. "Медик", "Колос", "Молния", "Пищевик" и "Восход" физкультурнай обществатне нльне райоттнен мархта аф кирдихть кодамовок деловой соткс.

Тяфта жа сави азомс, што ВЛКСМ-нь обкомсь и МАССР-нь СНК-ть видеса физкультурань и спортонь тевнен коряс комитетсь физкультурати должетт шарфтомс инь серьезнай мяль и тя важнейшей тевть колга / корхнематнен, постановлениатнен эзда обязатт йотамс конкретнай, живой, большевистский руководствати.

С. Купер.



Антисоветский эстрадатель лангс Женевский верблюдыт лисемац.
Фото-клишесь ТАСС-ть.

Ленинградский Военный Округ штабонц оперативнай сводканза

Январь 22-це шистонза сембе направлениатнен эса ульсть разведывательнай частьтнен мелкай стычкасна, лама районга ульсь артиллерийский перестрелка.

Минь авиацияньке лиендсь разведкас.

Январь 23-це шистонза Ухтинский и Реболский направлениатнен эса вешендсь разведчикне. Петрозаводский направлениаса башка пехотнай отрядонь боевой действият. Карельский перешейкат эса артиллериять ляцендеманза и разведчикнен вешендемасна.

Минь авиацияньке лиендсь разведкас и тиендсь боевой полетт.

ПРЕПОДАВАТЕЛЬСЬ, КОНАЦ АШИ ПРИМЕРКС СЕМБОНДИ

Од Выселка велень средний школань географсь Пониматкин ялгась касыкс поколениять коммунистический воспитаньяса няфни трудонь замечательнай образецт. Сон сембе эсь виинзон и знаниянзон макссесыне иттненди, родивати.

Пониматкин ялгась эсь уроконзонды якай фалу анокста, лекциятнен азонкшнесыне пях полнойста и шарькодевиаста. Географиянь урокнен пингста, кода правила, ученикне тонафнемаса и дисциплинаса няфнихть аныцек цебарь кепотькс.

Пониматкин ялгась партиять и правительствать высокой доверияснон оправдандакшнесы честь мархта, коммунистический воспитаниянь фронтса энергичнайста и честнайста работазь.

Рогачев.

Зубово-Полянский р-н.

Тонафнесазь аф грамотнайхнен

Сире Пиченгуш велень комсомольский организациясь примоси активнай участия велеса аф грамотностть и малограмотностть машфтомаса.

Комсомольский организациясь кемокстась комсомолецт, конат тонафнихть 3—5 аф грамотнай и малограмотнай ломань.

Тя тевса сембонди илятненди ашихть кепотьксоск комсомолецнен Безбородовть, Кирдяшкинт работасна.

Синь йотафтсть ни лама занятия. Занятиясна йотнихть аккуратайнаста и организованнайста.

А. Кирдяшкин.

Ельнинковский район.

Ответ. редакторсь Н. ТИШКИН.